



"MENCEGAH DAN MEMBENTERAS JENAYAH
TANGGUNGJAWAB BERSAMA"

(20 Mac 2020/25 Rejab 1441H)

الْحَمْدُ لِلَّهِ الْقَائِلِ:

يَا أَيُّهَا الَّذِينَ ءَامَنُوا قُوا أَنْفُسَكُمْ وَأَهْلِيكُمْ نَارًا وَقُودُهَا
النَّاسُ وَالْحِجَارَةُ عَلَيْهَا مَلَائِكَةٌ غِلَاظٌ شِدَادٌ لَا يَعْصُونَ
اللَّهَ مَا أَمَرَهُمْ وَيَفْعَلُونَ مَا يُؤْمَرُونَ ﴿٦﴾

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا وَحَبِيبَنَا
مُحَمَّدًا عَبْدُهُ وَرَسُولُهُ، أَرْسَلَهُ اللَّهُ رَحْمَةً لِّلْعَالَمِينَ، وَإِمَامًا لِّلنَّبِيَّاءِ
وَالْمُرْسَلِينَ وَسَيِّدًا لِّلْأَوَّلِينَ وَالْآخِرِينَ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ
أَجْمَعِينَ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ، فَقَدْ
فَازَ الْمُتَّقُونَ.

Sidang Jumaat Yang Dirahmati Allah Sekalian,

Marilah kita bertakwa kepada Allah SWT dengan bersungguh-sungguh melaksanakan segala perintah-Nya dan meninggalkan segala larangan-Nya. Mudah-mudahan kehidupan kita mendapat keberkatan di dunia dan di akhirat. Khutbah hari ini akan membicarakan tajuk: **“Mencegah dan Membenters Jenayah Tanggungjawab Bersama”**.

Sidang Jumaat Yang dirahmati Allah,

Saban tahun pada tanggal 25 Mac, Polis Diraja Malaysia (PDRM) akan menyambut hari polis. Tarikh keramat ini diperingati sebagai ingatan dan peringatan kepada seluruh warga PDRM khususnya serta masyarakat umumnya agar sentiasa menghayati sejarah dan peranan PDRM dalam memelihara keamanan dan ketenteraman awm selain terus istiqamah taat setia kepada raja, negara, perlembagaan dan undang-undang.

Keamanan dan keselamatan merupakan tunggak kemakmuran negara Malaysia tercinta. Semoga PDRM akan memikul tugas yang berat ini serta memastikan kekal relevan sebagai pasukan penguatkuasa undang-undang utama negara.

Sidang Jumaat Yang dirahmati Allah,

Walaupun keamanan dan kestabilan negara sentiasa dapat dikecapi sehingga kini, namun ancaman dan gangguan jenayah seperti kekerasan, jenayah perdagangan, juvana dan siber masih berleluasa dan bermaharajalela. Di samping itu pelbagai perlakuan jenayah turut dilakukan seperti penyalahgunaan dan pengedaran dadah, pemerdagangan manusia, keganasan dan tidak ketinggalan juga jenayah **Syariah**.

Sidang Jumaat Yang dirahmati Allah,

Islam menganggap perlakuan jenayah adalah satu kesalahan yang mesti dihukum kerana ia melanggar hak Allah SWT dan hak manusia atau makhluk lain. Sesuatu perlakuan atau tindakan itu dianggap sebagai jenayah berdasarkan elemen-elemen berikut:

Pertama: Elemen perundangan, iaitu peruntukan yang jelas melarang tindakan jenayah dan dikategorikan kesalahan yang boleh dihukum.

Kedua: Elemen tindakan, iaitu melakukan tindakan yang menjadi kesalahan itu.

Ketiga: Elemen kelayakan, iaitu melihat kepada umur, keupayaan dan tanggungan penjenayah berkenaan.

Sidang Jumaat Yang dirahmati Allah,

Mencegah dan membentaras jenayah bukanlah hanya menjadi tanggungjawab pasukan polis atau agensi keselamatan semata-mata. Bahkan ia merupakan sebahagian daripada tanggungjawab individu dan masyarakat. Pasukan keselamatan dan masyarakat umpama aur dengan tebing, saling lengkap melengkapi, bantu membantu dan berganding bahu untuk terus menjaga keselamatan, mencegah dan membentaras jenayah. Allah SWT berfirman dalam surah al-Maidah, ayat 2:

أَعُوْذُ بِاللّٰهِ مِنَ الشَّيْطَانِ الرَّجِيْمِ

وَتَعَاوَنُوا عَلَى الْبِرِّ وَالتَّقْوَىٰ وَلَا تَعَاوَنُوا عَلَى الْإِثْمِ وَالْعُدْوَانِ
وَاتَّقُوا اللَّهَ إِنَّ اللَّهَ شَدِيدُ الْعِقَابِ ﴿٢﴾

Maksudnya: *“Dan hendaklah kamu tolong menolong untuk membuat kebajikan dan bertakwa, dan janganlah kamu tolong menolong pada melakukan dosa (maksiat) dan pencerobohan. Dan bertakwalah kepada Allah, kerana sesungguhnya Allah amat berat azab seksanya (bagi sesiapa yang melanggar perintah-Nya).*

Justeru, marilah kita sentiasa berganding bahu bersama-sama mencegah dan membentaras perbuatan jenayah mengikut tahap kemampuan dan keupayaan masing-masing, tanpa melangkaui batas undang-undang. Rasulullah SAW bersabda:

مَنْ رَأَى مِنْكُمْ مُنْكَرًا فَلْيُغَيِّرْهُ بِيَدِهِ، فَإِنْ لَمْ يَسْتَطِعْ فَبِلِسَانِهِ، فَإِنْ لَمْ يَسْتَطِعْ فَبِقَلْبِهِ، وَذَلِكَ أَضْعَفُ الْإِيمَانِ.

Maksudnya: “Sesiapa dalam kalangan kamu melihat berlakunya kemungkaran hendaklah dia mengubahnya dengan tangan. Jika dia tidak mampu, maka dengan lidahnya dan jika dia tidak mampu, maka ubahlah dengan hatinya dan yang demikian itu adalah serendah-rendah tahap yang dituntut (dalam mencegah kemungkaran)”. (Hadis riwayat Muslim, at-Tirmizi, Abu Daud dan Ibnu Majah)

Sidang Jumaat Yang dirahmati Allah,

Bagi menjalin semangat kerjasama antara semua pihak dalam mencegah dan membentaras jenayah, beberapa langkah boleh diambil. Antaranya:

Pertama: Menyalurkan segera maklumat mengenai sesuatu kejadian jenayah yang berlaku kepada pihak polis melalui **Aplikasi Volunteer Smartphone Patrol** atau lebih dikenali sebagai **VSP**. Ia merupakan inisiatif

baru polkis Diraja Malaysia (PDRM) dalam mewujudkan kerjasama strategik mencegah jenayah bersama masyarakat. Melalui VSP juga, masyarakat kini boleh menyalurkan aduan/ maklumat yang dilengkapi dengan elemen multimedia seperti gambar, video dan koordinat GPS lokasi kejadian.

Kedua: Melaksanakan program kesedaran kepada anggota masyarakat berkaitan punca dan pencegahan jenayah.

Ketiga: Melaksanakan rondaan sukarela dalam Kawasan kejiranan setempat.

Keempat: Menjalin kerjasama dan permuafakatan dengan pihak keselamatan dan agensi yang berkepentingan.

Kelima: Mengukuhkan semangat kejiranan dan sifat mengambil berat sesama anggota masyarakat dan sebagainya.

Sidang Jumaat Yang dirahmati Allah,

Sempena hari polis ke-213 pada tahun ini, marilah kita bersama-sama mendoakan kesejahteraan seluruh warga Polis Diraja Malaysia dan seluruh pasukan keselamatan di negara ini supaya sentiasa dinaungi rahmat dan perlindungan Allah SWT. Semoga mereka sentiasa tabah dan terus cekal berhadapan dengan apa jua cabaran yang mendatang. Oleh itu, marilah sekali lagi kita menghayati firman Allah yang mewajibkan semua

masyarakat bekerjasama mencegah dan membentaras jenayah, sebagaimana firman Allah dalam surah Ali 'Imran ayat 104:

أَعُوذُ بِاللَّهِ مِنَ الشَّيْطَانِ الرَّجِيمِ

وَلْتَكُنْ مِنْكُمْ أُمَّةٌ يَدْعُونَ إِلَى الْخَيْرِ وَيَأْمُرُونَ
بِالْمَعْرُوفِ وَيَنْهَوْنَ عَنِ الْمُنْكَرِ وَأُولَئِكَ هُمُ الْمُفْلِحُونَ ﴿١٠٤﴾

Maksudnya: “Dan hendaklah ada di antara kamu satu puak yang menyeru (berdakwah) kepada kebajikan (mengembangkan Islam), dan menyuruh berbuat segala perkara yang baik, serta melarang daripada segala yang salah (buruk dan keji). Dan mereka yang bersifat demikian ialah orang yang berjaya”.

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ
الْآيَاتِ وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ
الْعَلِيمُ. أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ
الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ، فَاسْتَغْفِرُوهُ إِنَّهُ هُوَ
الْغَفُورُ الرَّحِيمُ.



خطبة كدوا

(Bulan Mac 2020)

الْحَمْدُ لِلَّهِ نَحْمَدُهُ وَنُسْتَعِينُهُ وَنَسْتَهْدِيهِ وَنَسْتَغْفِرُهُ، وَنَعُوذُ بِاللَّهِ مِنْ
شُرُورِ أَنْفُسِنَا وَمِنْ سَيِّئَاتِ أَعْمَالِنَا، مَنْ يَهْدِهِ اللَّهُ فَلَا مُضِلَّ لَهُ، وَمَنْ
يُضِلِّهِ فَلَا هَادِيَ لَهُ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ
وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَالتَّابِعِينَ
بِإِحْسَانٍ إِلَى يَوْمِ الدِّينِ.

أَمَّا بَعْدُ، فَيَا أَيُّهَا الْإِخْوَةُ الْمُؤْمِنُونَ! اتَّقُوا اللَّهَ، أَوْصِيكُمْ وَإِيَّايَ بِتَقْوَى
اللَّهِ فَقَدْ فَازَ الْمُتَّقُونَ.

Sidang Jumaat Yang Dirahmati Allah,

Saya berpesan kepada tuan-tuan dan diri saya sendiri supaya bertakwa kepada Allah SWT dengan mematuhi segala perintah-Nya dan menjauhi segala larangan-Nya. Sesungguhnya berbahagialah orang yang bertakwa kepada Allah.

Pada masa kini, terdapat segelintir umat Islam yang menghadapi masalah kecelaruan jantina yang salah satunya dikenali sebagai transeksual. Mereka adalah seorang lelaki atau perempuan yang berperasaan atau berpenampilan sebagai jantina yang berlawanan jenis. Sebahagian mereka sehingga tahap mengambil hormon, membuat pelbagai suntikan dan melakukan pembedahan menukar organ jantina. Hal ini bukan sekadar bertujuan ingin benar-benar menjadi jantina yang berlawanan malah ada yang turut terlibat dengan masalah sosial.

Muzakarah Jawatankuasa Fatwa Majlis Kebangsaan pada tahun 1982 telah memutuskan hukum pertukaran jantina dari lelaki kepada perempuan atau sebaliknya adalah haram. Seseorang yang dilahirkan lelaki, hukumnya tetap lelaki walaupun jantিনanya berjaya ditukarkan melalui pembedahan. Seseorang yang dilahirkan perempuan, hukumnya tetap perempuan walaupun jantინanya berjaya ditukarkan melalui pembedahan. **Manakala seorang yang dilahirkan sebagai 'khunsa musykil'** iaitu manusia yang dilahirkan mempunyai dua alat kemaluan lelaki dan perempuan, **diharuskan melakukan pembedahan** bagi mengekalkan salah satu alat jantina yang benar-benar berfungsi dapat digunakan mengikut keadaan yang sesuai.

Ketahuiilah bahawa mengubah ciptaan Allah swt adalah dosa besar dan dilaknat oleh Allah swt. Kita sebagai bapa atau ketua keluarga, wajiblah menjaga dan memantau ahli keluarga supaya tidak beramal dengan amalan yang bertentangan dengan ajaran Islam. Ibu bapa juga hendaklah mendidik anak-anak mengikut fitrah kejadian asal mereka dan bukan sebaliknya. Contohnya, anak lelaki dipakai pakaian perempuan atau anak perempuan dibiarkan berpewatakan seperti lelaki. Firman Allah SWT dalam surah an-Nisa', ayat 119:

أَعُوذُ بِاللَّهِ مِنَ الشَّيْطَانِ الرَّجِيمِ

...وَلَا مُرَنَّهُمْ فَلْيُغَيِّرَنَّ خَلْقَ اللَّهِ وَمَنْ يَتَّخِذِ الشَّيْطَانُ وَلِيًّا
مِّنْ دُونِ اللَّهِ فَقَدْ خَسِرَ خُسْرَانًا مُّبِينًا ﴿١١٩﴾

Maksudnya: "...dan aku akan menyuruh mereka mengubah ciptaan Allah". Dan (ingatlah) sesiapa yang mengambil Syaitan menjadi pemimpin yang ditaati selain dari Allah, maka sesungguhnya rugilah ia dengan kerugian yang terang nyata".

Semoga kita dapat meneruskan kehidupan dengan penuh keberkatan dan sentiasa mendapat rahmat Allah swt.

Sidang Jumaat Yang Dirahmati Allah,

Pada saat yang penuh barakah ini marilah kita berselawat ke atas nabi Muhammad SAW yang membawa petunjuk dan rahmat kepada kita sekalian sepertimana perintah Allah dalam surah Al-Ahzab, ayat 56:

أَعُوذُ بِاللَّهِ مِنَ الشَّيْطَانِ الرَّجِيمِ
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا
صَلُّوا عَلَيْهِ وَسَلِّمُوا تَسْلِيمًا

“Sesungguhnya Allah dan malaikat-Nya berselawat kepada Nabi Muhammad ﷺ wahai orang yang beriman, berselawatlah kamu kepadanya serta ucapkanlah salam sejahtera dengan penghormatan yang sepenuhnya”.

اَللّٰهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَىٰ آلِ سَيِّدِنَا مُحَمَّدٍ.
كَمَا صَلَّيْتَ وَسَلَّمْتَ وَبَارَكْتَ عَلَىٰ سَيِّدِنَا اِبْرَاهِيْمَ وَعَلَىٰ آلِ سَيِّدِنَا
اِبْرَاهِيْمَ فِي الْعَالَمِيْنَ اِنَّكَ حَمِيْدٌ مَّجِيْدٌ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ . اَللّٰهُمَّ اَرِنَا الْحَقَّ حَقًّا وَاَرْزُقْنَا اتِّبَاعَهُ وَاَرِنَا الْبَاطِلَ بَاطِلًا وَاَرْزُقْنَا اجْتِنَابَهُ، بِرَحْمَتِكَ يَا اَرْحَمَ الرَّاحِمِيْنَ .

اَللّٰهُمَّ اَنْزِلِ الرَّحْمَةَ وَالسَّكِيْنَةَ وَالسَّلَامَةَ وَالْعَافِيَةَ عَلٰى مَلِكِنَا، كباوه
دولي يغ مها موليا سري فادوك باكيندا يغ دثرتوان اكوغ ك-انم
بلس، السُّلْطَانُ عَبْدُ اللَّهِ رِعَايَةُ الدِّينِ الْمُصْطَفَى بِاللَّهِ شَاهِ ابْنِ الْمَرْحُومِ
سُلْطَانِ حَاجِ أَحْمَدُ شَاهِ الْمُسْتَعِينِ بِاللَّهِ، وكذلك مولانا توان يغ
تراوتاما تون داتوء سري اوتاما دكتور حاج عبد الرحمن بن حاج
عباس يغ دثرتوا نكري قولاو فينغ.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ .

عِبَادَ اللَّهِ ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى
عَنِ الْفَحْشَاءِ وَالْمُنْكَرِ وَالْبَغْيِ، يَعِظُكُمْ لَعَلَّكُمْ تَذَكَّرُونَ. فَادْكُرُوا اللَّهَ
الْعَظِيمَ يَذْكُرْكُمْ وَاشْكُرُوا عَلَى نِعَمِهِ يَزِدْكُمْ وَاسْأَلُوهُ مِنْ فَضْلِهِ يُعْطِكُمْ
وَلَذِكُرُ اللَّهَ أَكْبَرُ وَاللَّهُ يَعْلَمُ مَا تَصْنَعُونَ.